



9. juli 2010

Inatsisartut suleriaasiat § 36, imm.1 naapertorlugu imatut Naalakkersuisunut apeqquteqarniarpunga:

Naalakkersuisunut apeqqut:

1. **Suliniaqatigiiffiit qassit, sorliillu aningaasartuutissanut inatsimmit landskarsikkut tapiissuteqarfigineqartarpat?**

1A. **Suliniaqatigiiffiit taakkua qassit sorliillu aningaasartuutissanut inatsimmit landskarsikkut 3 millionit sinnerlugit tapiiffigineqartarpat?**

2. **Suliniaqatigiiffiit qassit sorliillu naatsorsuutit kukkunersioriikkat Namminersorlutik Oqartussanut tunniuttarpaat, taamaalilluni Namminersorlutik Oqartussanit aningaasat tapiissutaasimasut qanoq atorneqarsimaneri takuneqarsinnaaniassammata?**

2A. **Naalakkersuisut qanoq iliuseqartarpat naatsorsuutit tunniunneqartut tamanut saqqummiunniarlugit?**

(Niels Thomsen, Demokraatit sinnerlugit Inatsisartunut ilaasortaq)

Tunggavilersuut.

Qularnanngitsumik Nunatsinni suliniaqatigiiffippassuit landskarsimit taperneqarnerinnakkut napasinnaasarput. Suliniaqatigiiffippassuit amerlanerit pingaarutilimmik suliaqartuupput, taamaammallu attanniernerisa pisortanit taperneqartarnissaat pingaaruteqarpoq. Illuatugaanili aamma suliniaqatigiiffippassuaqarpoq pisortanit taperneqaratik napasunik. Suliniaqatigiiffiit taakku aamma pingaarutilimmik suliaqartuupput.

Taamaammat suliniaqatigiiffiit sorliit taperneqartarneranut allattorsimaffimmik tamakkiisumik soqutiginnikkaluarpunga, takusinnaaniassagakku sorliit taperneqartarnersut, sorliillu taperneqartannginnersut. Saniatigullu aamma soqutiginantippara Namminersorlutik Oqartussat tapiissutit sumut atorneqarnissaannut naatsorsuutininik allattorsimaffimmik piumasaqartarnersut.

Apeqqutit kingusinnerpaamik ullut qulit qaangiuppata akeqquneqarput.